

supplicationes et exhortationes, si te benigne non audierit Albertus, confidenter, tamquam per te et in te loquente Christo, dicas illi: quia ecclesiam suam non derelinquet Christus, pro qua passus est. Item illi dicas cum fiducia, quia si totus contra ecclesiam erigatur mundus, fundata per spiritum sanctum in Christo aecclesia, a fide Christi et ab obedientia apostolica nunquam recedet. Item illi dicas, quod qui per scisma et dissipationem pacis hostium aperuerit, per quod intret bestia prior, que adhuc repagulo pacis ab ecclesia exclusa est, melius illi erat, quod natus non fuisset. Item illi dicas, quia pacem iam sibi iurat mundus, set utinam illa pax non convertatur in prelium contra sanctam ecclesiam. Per omnia suadeas illi, ut sit cautus, ne hoc tempore in(numerata) mala emergant.

III.

E cod. Bamberg. B. IV. 29. membr. saec. XII. fol. 2, manu saeculi XII.

Anno Domini 1193 misse sunt littere iste, indictione 11.

Frater Godefridus Dei gratia sancte domus hospitalis Ierusalem humilis magister una cum universo eiusdem domus capitulo fratri M. praeposito eiusdem domus, priori in Ungaria, salutem et fraternam dilectionem.

Quoniam de his, quae sunt in terra Ierosolimitana, credimus vos affectuoso animo rumores certos desiderare, notum vobis facimus, quod proxime post Septembrem quidam de gente pagana nomine Mestoch mortuus est, qui clarus erat genere et armis famosus. Deinde mortuus est vetus dominus Assiriorum, in cuius locum alium constituerunt. Deinde mortuus est frater Saladini, dominus terre de Leeman¹. Mortuus est et soldamus de Yconio, inter cuius filios orta est ira et dissensio. Deinde prima septimana Martii feria quarta mortuus est persecutor noster Saladinus. In cuius morte genti sue factus est timor et perturbatio et inter filios eius ira et dissensio. Quilibet enim illorum, quorum alter in Halappia, alter in Damasco, alter in Babilonia commoratur, se fratri suo in aliquo subiectum esse fastidit. Unde veraciter scimus, quod a tempore perdicionis terre hereditas Christi tam levi non potuit recuperari. Terra, quam tenet christianitas, in triviis manet sed penitus habitatoribus est destituta.

IV.

Ex cod. Furstencellensi ms. membr. saec. XIV. in tabulario regio Monacensi.

Anno Domini 1274, 15 Kalendas Maii tempore generalis concilii Lugduni tunc ultimo celebrati, consilio prehabito bene

¹) Nach der beigegeführten Nachzeichnung könnte man auch 'Teeman' lesen.